

# Asia

**Asia** ye una d'as partis que, chunto con Europa, forma o supracontinent d'Eurasia. Ye una d'as mayors arias cheograficas d'o planeta Tierra, y s'estendilla en a metat oriental d'o hemisferio norte, dende l'Ocián Glacial Arctico por o norte dica l'Ocián Indico por o sud. Por l'este arriba dica l'Ocián Pacifico y por l'ueste dica os Monts Urals y o Caucaso, mugando tamién con a mar Roya, a mar Echea, o estreito d'os Dardanelos, a mar de Marmara, o Bosforo, a mar Negra y a mar Caspia. Ye deseparata d'America por o estreito de Bering, y d'Africa por a canal de Suez. En fer parte en realidat d'una continidat cheografica con Europa, que formalment puet definir-se como una peninsula chigant d'Asia, puet considerar-se que a noción d'Asia ye mas que mas una noción cultural y no pas cheografica.

En as suyas mugas tradicionals, Asia tien una población de 3.879.000.000 d'habitants (ye o continent con una población mas gran, con alto u baxo o 60% d'a población mundial) en una superficie de 44.579.000 km² (tamién ye o continent mas gran por superficie, con alto u baixo o 30% d'o total d'as tierras emerchitas), con una densidat de población de 89 hab/km². Tamién se troba en Asia (concretament en China) o puesto situato mas luent d'a costa, que se troba a una distancia de 2.648 km d'a mar, y o puesto de mayor altaria d'o mundo, o monte Everest, con 8.848 metros d'altaria.

Gosa trastallar-se en as siguients divisions cheograficas: Asia Meridional u Asia d'o Norte, Asia Occidental u Asia de l'Este, Asia Central, Asia Septentrional u Asia d'o Norte y Sudeste d'Asia.

## Contenius

### Etimolochía

### Cheografía fisica

### Cheografía politica

Cambeos de nombre de países

### Historia

Prehistoria

## Asia

### Continent



### Entidat

### Continent

### Superficie

- **Total**

Posición 1º de 7  
44.579.000 km²

### Población

- **Total**
- **Densidat**

Posición 1º de 7  
3.879.000.000 hab.  
89 hab/km²

### Estatos

47

### Dependencias

4

### Zonas horarias

UTC+2 a UTC+12

### Chentilicio

Asiatico/a

### Dominio internet

.asia

Neolítico  
Edat de Bronze

**Vinclos externos**

**Referencias**

## Etimolochía

A palabra **Asia** provién d'o griego; *Ἀσία*, atribuyendo-se o suyo empleo por primera vegata a Herodoto (arredol de 440 aC) ta fer referencia a la rechón d'Anatolia u, con a intención d'explicar as guerras medicas, a o Imperio Persa, esferenciando asinas ixa redolada de Grecia y Echipto. Herodoto comenta que se fan servir tres nombres de muller ta describir una masa enorme y substancial d'a Tierra (Europa, Asia, y Libia, referindo-se a Africa), indicando que a mayor parte d'os griegos creyeban que Asia recibiba o suyo nombre por a muller de Prometeu pero que o lidios deciban que recibió o suyo nombre en referència a Asias, fillo de Cotys y que pasó ent'a tribu de Sardes.

Mesmo antis d'Herodoto, Homero charra d'un país aliato de Troya dito Asios, y tamién describe un almarchal como ασίος (en a Iliada 2, 461). En a luenga griega a palabra puet provenir d'os Assuwa, una confederación d'estatos d'Anatolia occidental mientras o sieglo XIV aC que fue redotata per os hititas.

Alternativament, a etimolochía d'a palabra *Asia* puet provenir d'a palabra en acadio (*w)a šû(m)* que significa "puyar", referita a la dirección d'a salita d'o Sol en Orient Meyo, relacionata tamién con a palabra fenicia *asa*, que significa "este".

En qualsiquier caso, y qualsiquiera que en sía o suyo orichen, se cheneralizó o empleo d'a palabra *Asia* en o mundo griego y a traviés d'o suyo herencio se transmitió ent'a Roma antiga, cheneralizando-se asinas en os mapas antigos y medievals, que emuestran o continent asiatico como una gran taca amorfa que s'estendilla enta l'este. En l'Antigüedat se suponeba que o mundo asiatico remataba en a India (por ixo Aleixandre lo Gran creyeba que en plegar en India heba plegato dica la fin d'o mundo).

Dimpués o nombre enampló o suyo significato, ta incluir-ie as tierras situatas a l'este d'ixa Asia orichinal, encluyendo-ie os territorios a l'este d'a India, como China y o Sud-este asiatico, amás d'os territorios a l'este d'os monts Urals, que ye o suyo significato actual.

## Cheografía fisica

Muitos cheografos no consideran que Asia y Europa sían continents deseparatos,<sup>[1]</sup> porque en realidat no bi ha garra deseparación fisica entre totz dos.<sup>[2]</sup> Por eixemplo, sir Barry Cunliffe, profesor emerito d'arqueolochía europea d'a Universitat d'Oxford, diz que Europa ye cheograficament y cultural nomás que a prominencia occidental d'o continent asiatico,<sup>[3]</sup> ye decir, considera que Europa ye una pensinsula d'Asia. Cheograficament, Asia ye a parti mas gran d'o este d'o territorio dito Eurasia (estando Europa a peninsula noroccidental d'ixa masa de tierra) u d'Africa-Eurasia; cheolochicament, Asia, Europa, Y Africa forman una sola masa contigua (excepto a canal de Suez) y comparten a mesma plataforma continental. Quasi tota Europa y a mayor parti d'Asia se troban situatas sobre a placa eurasiatica, que s'une a o sud con a placa



Anvista dende satelite d'Asia.

arabiga y a placa indica, mientras que a parte este de Siberia se troba sobre a placa nord-americana y as Filipinas sobre a placa filipina. Sindembargo, a opinión mayoritaria, mesmo que a opinión tradicional, considera a Europa y a Asia como dos continents deseparatos, encara que sía nomás que como una simpla convención. Antiparte, en Asia (mas concretament en China) se troba o puesto de tierra firme que se troba a una distancia mas gran d'a mar, a 2.648 km de distancia.

Asia tien un litoral con muitos accidents, con quantas mars interiors (mar Arabiga, mar de China Meridional, mar de Chava, mar de China Oriental, mar Amariella, mar de Chapón, mar d'Okhotsk, mar de Bering, mar de Kara, mar de Barents, etc.); golfos (golfo Persico, golfo d'Omán, golfo de Bengala, golfo de Siam, golfo de Tonquín, golfo d'Anadir, etc.); peninsulas (Anatolia, peninsula d'Arabia, India, Malacca, Indochina, Coreya, Kamchatka, Taimir, Kola, etc.), y islas adchacents, como Chipre, islas Maldivas, Sri Lanka, o gran archipiélago d'Insulíndia (encluyindo-ie as Filipinas, Borneu, Sumatra, Chava y islas Celebes, entre d'atras), Taiwan, as islas de Chapón, isla de Sakhalin, Nueva Siberia, a Tierra d'o Norte, Nueva Zembla, etc.).

Respective d'o suyo relieve, Asia ye un continent con muitas montanyas, destacando-ie a cordelera de l'Himalaya, an se troban as maximas altarias d'a Tierra, con tucas como o mont Everest, o K2 u l'Annapurna, totz con mas de 8.000 metros d'altaria. Tamién i podemos trobar grans planas como Siberia y desiertos como o desierto de Gobi u o desierto d'Arabia.

Tamién podemos trobar en Asia ríos destacatos, como o río Obi, o río Yenissei y o río Lena en a cuenca de l'Ocián Glacial Arctico; o río Amur, o río Amariello, o río Yangtze y o río Mekong en a cuenca de l'Ocián Pacifico; y o río Brahmaputra, o río Irawadi, o río Ganges y río Indo en a cuenca de l'Ocián Indico; o río Tigris y o río Eufrates en Asia occidental, y o río Amudarja y o río Syrdarya en a cuenca endorreica interior. O continent tamién tién grans lacos, como a mar Caspia, o lago mas gran d'o planeta, a mar d'Aral, a mar Muerta, de salinidad intensa, u o laco Baikal, o laco de mas fondaria d'o mundo.



A cordelera de l'Himalaya, en una anvista aeria a on i destaca o monte Everest.

## Cheografía politica






- ☐ Asia Oriental
- ☐ Asia Central
- ☐ Asia Occidental
- ☐ Asia Sud-oriental
- ☐ Asia Meridional

]]









Fan parte d'Asia un total de 51 estatos, estando o estato asiatico con mayor numero d'habitants China, con una población d'alto u baixo 1.400 millions d'habitants, y o menos poblato as Maldivas, con una mica mas de 350.000 habitants. Por a suya superficie, o país que s'estendilla mas por territorio asiatico ye Rusia, con una mica mas de 17 millions de km² y o país con una superficie mas chicota ye tamién Maldivas, cin una mica menos de 300 km². Por densidat de población o estado mas densament poblato ye Singapur, con una densidat de mas de 6.000 hab/km² y o meons densament habitato ye Mongolia con menos de 2 hab/km².

Nombre d'a rechió[n] <sup>[4]</sup> u territorio	Superficie (km²)	Población (1 de chulio de 2008 est.)	Densidat de población (per km²)	Capital


**Asia Central:**

 <u>Cazaquistán<sup>[5]</sup></u>	2.724.927	15.666.533	5,7	<u>Astaná</u>
 <u>Kirguizistán</u>	198.500	5.356.869	24,3	<u>Bishkek</u>
 <u>Tachiquistán</u>	143.100	7.211.884	47,0	<u>Duxanbe</u>
 <u>Turkmenistán</u>	488.100	5.179.573	9,6	<u>Aşgabat</u>
 <u>Uzbekistán</u>	447.400	28.268.441	57,1	<u>Tashkent</u>












**Asia Oriental:**

 <u>Republica Popular de China<sup>[6]</sup></u>	9.584.492	1.322.044.605	134,0	<u>Pequín</u>
 <u>Hong Kong<sup>[7]</sup></u>	1.092	7.903.334	6.688,0	—
 <u>Macau<sup>[8]</sup></u>	25	460.823	18.473,3	—
 <u>Republica de China (Taiwan)<sup>[9]</sup></u>	35.980	22.920.946	626,7	<u>Taipei</u>
 <u>Chapón</u>	377.835	127.288.628	336,1	<u>Tokio</u>
 <u>Coreya d'o Norte</u>	120.540	23.479.095	184,4	<u>Pyongyang</u>
 <u>Coreya d'o Sud</u>	98.480	49.232.844	490,7	<u>Seúl</u>
 <u>Mongolia</u>	1.565.000	2.996.082	1,7	<u>Ulán Bator</u>





**Asia Septentrional:**

 <u>Rusia<sup>[10]</sup></u>	17.075.400	142.200.000	26,8	<u>Moscú</u>
---	------------	-------------	------	--------------

**Asia Sud-oriental:<sup>[11]</sup>**

 <u>Brunei</u>	5.770	381.371	60,8	<u>Bandar Seri Begawan</u>
 <u>Myanmar</u>	678.500	47.758.224	62,3	<u>Naypyidaw<sup>[12]</sup></u>
 <u>Cambocha<sup>[13]</sup></u>	181.035	13.388.910	74	<u>Phnom Penh</u>
 <u>Timor Oriental<sup>[14]</sup></u>	15.007	1.108.777	63,5	<u>Dili</u>
 <u>Indonesia<sup>[15]</sup></u>	1.419.588	237.512.355	159,9	<u>Jakarta</u>
 <u>Laos</u>	236.800	6.677.534	24,4	<u>Vientiane</u>
 <u>Malaisia</u>	329.847	27.780.000	84,2	<u>Kuala Lumpur</u>
 <u>Filipinas</u>	300.000	92.681.453	281,8	<u>Manila</u>
 <u>Singapur</u>	704	4.608.167	6.369,0	<u>Singapur</u>
 <u>Tailandia</u>	514.000	65.493.298	121,3	<u>Bangkok</u>
 <u>Vietnam</u>	331.690	86.116.559	246,1	<u>Hanoi</u>

**Asia Meridional:**

 <u>Afganistán</u>	647.500	32.738.775	42,9	<u>Kabul</u>
 <u>Bangladesh</u>	144.000	153.546.901	926,2	<u>Dhaka</u>
 <u>Bután</u>	47.000	682.321	14,3	<u>Thimphu / Paro</u>
 <u>India<sup>[16]</sup></u>	3.167.590	1.147.995.226	318,2	<u>Nueva Delhi</u>

 <u>Irán</u>	1.648.195	65.875.223	42	<u>Teherán</u>
 <u>Maldivas</u>	300	379.174	1.067,2	<u>Malé</u>
 <u>Nepal</u>	140.800	29.519.114	183,8	<u>Katmandú</u>
 <u>Pakistán</u>	803.940	167.762.049	183,7	<u>Islamabad</u>
 <u>Sri Lanka</u>	65.610	21.128.773	298.4	<u>Colombo</u> <u>Sri Jayawardenepura-</u> <u>Kotte</u>
<b>Asia Occidental:</b>				
 <u>Armenia</u> <sup>[17]</sup>	29.800	2.968.586	111,7	<u>Yerevan</u>
 <u>Azerbaichán</u> <sup>[18]</sup>	46.870	3.845.127	82,0	<u>Bacú</u>
 <u>Bahreïn</u>	665	718.306	987,1	<u>Manama</u>
 <u>Chipre</u> <sup>[19]</sup>	9.250	792.604	83,9	<u>Nicosia</u>
 <u>Faixa de Gaza</u> <sup>[20]</sup>	363	1.537.269	3.315,7	<u>Gaza</u>
 <u>Cheorchia</u> <sup>[21]</sup>	20,460	4,630,841	99.3	<u>Tbilisi</u>
 <u>Irak</u>	437,072	28,221,181	54.9	<u>Bagdad</u>
 <u>Israel</u>	20,770	7,112,359	290.3	<u>Cherusalem</u> <sup>[22]</sup>
 <u>Chordania</u>	92,300	6,198,677	57.5	<u>Amman</u>
 <u>Kuwait</u>	17,820	2,596,561	118.5	<u>Al-Kuwait</u>
 <u>Liban</u>	10,452	3,971,941	353.6	<u>Beirut</u>
 <u>Omán</u>	212,460	3,311,640	12.8	<u>Masqat</u>
 <u>Qatar</u>	11,437	928,635	69.4	<u>Doha</u>
 <u>Arabia Saudí</u>	1,960,582	23,513,330	12.0	<u>Al-Riyad</u>
 <u>Siria</u>	185,180	19,747,586	92.6	<u>Damasc</u>
 <u>Turquía</u> <sup>[23]</sup>	756,768	71,892,807	76.5	<u>Ankara</u>
 <u>Emiratos Arabes Unitos</u>	82,880	4,621,399	29.5	<u>Abu Dhabi</u>
 <u>Palestina</u> <sup>[20]</sup>	5,860	2,611,904	393.1	<u>Cherusalem</u>
 <u>Yemen</u>	527,970	23,013,376	35.4	<u>Sanaá</u>
<b>Total</b>	<b>43,810,582</b>	<b>4,050,404,193</b>	<b>89.07</b>	

*Nota: Parti d'Echipto (Península de Sinai) ye cheograficament d'Asia Occidental.*

## Cambeos de nombre de países

Quantos países asiáticos han cambeato de nombre mientres o sieglu XX como resultato de consolidacions, secesions, independencias u cambeos de rechimen.



Antigo nombre	Anyo	Nombre actual
<u>Pakistán Este</u>	1971	Bangladesh, Republica Popular de
<u>Cambocha Democrática</u>	1975	<u>Cambocha</u> , Reino de
<u>Imperio d'o Gran Qing de China</u>	1911 1949	China, Republica de China, Republica Popular de
<u>Timor Portugués</u>	1975	<u>Timor Oriental</u> , Republica Democrática de
<u>Indias Orientals Neerlandesas</u>	1945	<u>Indonesia</u> , Republica d'
<u>Imperio Persa</u>	1935 1979	Irán, Republica d' Irán, Republica Islámica d'
<u>Transchordania</u>	1946	<u>Chordania</u> , Reino de
<u>RSS de Kirguizistán (URSS)</u>	1991	<u>Kirguizistán</u> , Republica de
<u>Federación de Malaisia, Sabah, Sarawak y Singapur</u>	1963	<u>Malaisia y Singapur</u>
<u>Birmania</u>	1989	<u>Myanmar</u> , Unión de
<u>Masqat</u>	1971	<u>Omán</u> , Soldanato d'
<u>Pakistán Ueste</u>	1971	<u>Pakistán</u> , Republica Islámica de
<u>Indias Orientals Espanyolas</u>	1565	<u>Filipinas</u> , Republica d'as
<u>Hejaz-Najd</u> , Reino de	1932	<u>Arabia Saudí</u> , Reino d'
<u>Aden</u>	1970	<u>Yemen d'o Sud</u> , Republica Popular de
<u>Ceilan</u>	1972	<u>Sri Lanka</u> , Republica Democrática Socialista de
<u>RSS de Tachiquistán (URSS)</u>	1991	<u>Tachiquistán</u> , Republica de
<u>Siam</u>	1939	<u>Tailandia</u> , Reino de
<u>Imperio Otomán</u>	1923	<u>Turquía</u> , Republica de
<u>RSS de Turkmenistán (URSS)</u>	1991	<u>Turkmenistán</u>
<u>Oman d'a Tregua y Estados d'a Tregua</u>	1971	<u>Emiratos Arabes Unidos</u>
<u>Indochina francesa</u>	1949	<u>Vietnam</u> , Republica Socialista de
<u>Yemen d'o Norte y Yemen d'o Sud</u>	1990	<u>Yemen</u> , Republica de



Mapa d'Asia.




Asinas, por exemplo, a civilización d'a val de l'Indo, que ye una civilización d'a Edat de Bronze (3300-1300 aC, con un periodo de plenitut en 2600-1900 aC), que se centró principalment en la parte occidental d'o subcontinent indio, considerando-se que a primeira forma d'o hinduismo amaneixió mientres ista civilización.

China y Vietnam tamién estioron centros a on se i desembolicó amplament a metalurchia. Encara que data d'o Neolitico, os primers tambors de bronze han estato descubiertos en os arredols d'o delta d'o río Royo en Vietnam y tamién en o sud de China. Istos chacimientos se relacionan con a cultura prehistorica de Son Dong en Vietnam. Tamién s'han trobato instrumentos elaboratos en bronze en o chacimiento de Ban Chiang, en l'actual Tailandia, datatos arredol de 2100 aC.



Ceramica procedent d'o chacimiento de Ban Chiang, en l'actual Tailandia.

## Vinclos externos

-  Se veigan as imáchens de Commons sobre **Asia**.
- **(en)** Mapa d'Asia (<http://www.lib.utexas.edu/maps/asia.html>).
- **(en)** Philp Bowring, "What is Asia?" (Columbia University Asia For Educators) ([http://afe.easia.columbia.edu/geography/geo\\_what.html](http://afe.easia.columbia.edu/geography/geo_what.html)).
- **(ca)** Asia en a Enciclopedia catalana ([http://www.enciclopedia.cat/fitxa\\_v2.jsp?NDCHEC=0005645](http://www.enciclopedia.cat/fitxa_v2.jsp?NDCHEC=0005645)).

## Referencias

1. **(en)** "Asia ([http://encarta.msn.com/encyclopedia\\_761574726/Asia.html](http://encarta.msn.com/encyclopedia_761574726/Asia.html))." *MSN Encarta Encyclopedia*. 2007.
2. **(en)** "Asia ([http://www.answers.com/topic/asia-2010#Science\\_and\\_Technology\\_Encyclopedia](http://www.answers.com/topic/asia-2010#Science_and_Technology_Encyclopedia))". *McGraw-Hill Encyclopedia of Science and Technology*. 2006. Nueva York: McGraw-Hill Inc.
3. "Geography Is Destiny - The Atlantic (December 2008)" (<http://www.theatlantic.com/doc/200812/editors-choice>). The Atlantic. 2008-12-01. <http://www.theatlantic.com/doc/200812/editors-choice>. Retrieved 2009-04-20.
4. Rechions continentals segunntes a categorización d'a ONU. Bellos territorios citatos a baixo (notas 6, 11-13, 15, 17-19, 21-23) tienen o suyo territorio repartito entre Asia y Europa, Africa, u Oceanía.
5. Cazaquistán ye un país transcontinental entre Asia Central y Europa de l'Este; a población y superficie perteneixen nomás que a la parti asiatica.
6. Por un regular, a o país se li diz simplament China. As zifras no incluyen as de Hong Kong, Macau, i Taiwan.
7. Hong Kong ye una rechión administrativa especial d'a Republica Popular de China.
8. Macau ye una rechión administrativa especial d'a Republica Popular de China.
9. Territorio independent conoixito como Republica de China u Taiwan, ye reclamato por a Republica Popular de China.
10. Rusia ye un país transcontinental entre Europa de l'Este y Asia Septentrional; población y superficie fan refererencia a o estato completo.



- L1. Excluitas a isla Christmas y Illes Cocos (pertanyents a Australia en l'Ocián Indico, a o sud-ueste d'Indonesia).
- L2. A capital administrativa de Myanmar fue tresladata oficialment de Yangon (Rangoon) a una zona militaritzata a l'ueste de Pyinmana o 6 de noviembre de 2005.
- L3. *General Population Census of Cambodia 2008 - Provisional population totals, National Institute of Statistics, Ministry of Planning, released 3rd September, 2008* ([http://www.stat.go.jp/english/info/meetings/cambodia/pdf/pre\\_rep1.pdf](http://www.stat.go.jp/english/info/meetings/cambodia/pdf/pre_rep1.pdf)).
- L4. Timor Oriental ye considerato por un regular un país transcontinental entre l'Asia Sud-oriental y Oceanía.
- L5. Indonesia ye considerato por un regular un país transcontinental entre l'Asia Sud-oriental y Oceanía; as zifras no encluyen Irian Jaya y as islas Molucas, situatas y Oceanía (Melanesia/Australasia).
- L6. Encluyendo-ie Jammu y Caxmir, en territorio disputato entre India, Pakistán, y a Republica Popular de China.
- L7. Armenia pertanye cheograficament a l'Asia Occidental, encara que tién fuertes lazos con Europa por de razons historicas y culturals.
- L8. Azerbaichán ye un país transcontinental entre l'Asia Occidental y Europa de l'Este; a población y a superficie son nomás que t'a parti asiatica. As zifras encluyen Nakhchivan, un enclave autonomo d'Azerbaichán situato entre Armenia, Irán y Turquía.
- L9. A isla de Chipre pertanye cheograficament a l'Asia Occidental, encara que ye muit ligata a Europa per de razons historicas y culturals. La ONU lo considera parti d'Asia Occidental.
- L20. A Faixa de Gaza y Cischordania, ditos "Territorios Palestins Ocupatos" per a ONU, son territorios parcialment ocupatos per Israel, baixo administración de l'Autoritat Nacional Palestina.
- L21. Cheorchia ye un país transcontinental entre Asia Occidental y Europa de l'Este; a población y l'aria son ta a zona asiatica nomás.
- L22. En 1980, Cherusalem fue proclamata capital d'Israel, dimpués de l'anexión d'a zona arabe de Cherusalem Este mientres a guerra d'os seis días de 1967. As Nacions Unidas y muitos países no reconoixen iste feito y muitos d'ells mantienen embaixatas en Tel Aviv.
- L23. Turquía ye un país transcontinental entre Asia Occidental y Europa d'o Sud; a población y l'aria son ta a zona asiatica nomás, excluita toda a provincia d'Istanbul.

### **Estatos d'Asia**

Afganistán | Arabia Saudí | Armenia<sup>1</sup> | Azerbaichán<sup>1</sup> | Bahrein | Bangladesh | Bután | Brunei | Cambocha | Cazaquistán<sup>1</sup> | Cischordania<sup>2</sup> | Coreya d'o Norte | Coreya d'o Sud | Chapón | Cheorchia<sup>1</sup> | Republica Popular de China | Republica de China (Taiwan) | Chipre<sup>1</sup> | Chordania | Echipto | Emiratos Arabes Unitos | Faixa de Gaza<sup>2</sup> | Filipinas | India | Indonesia | Irán | Iraq | Israel | Kirguizistán | Kuwait | Laos | Liban | Malaisia | Maldivas | Mongolia | Myanmar | Nepal | Omán | Pakistán | Qatar | Rusia<sup>1</sup> | Singapur | Sri Lanka | Siria | Tachiquistán | Tailandia | Timor Oriental | Turquía<sup>1</sup> | Turkmenistán | Uzbekistán | Yemen | Vietnam

**Dependencias:** Akrotiri y Dhekelia | Hong Kong | Islas Cocos | Isla de Nadal | Macau | Territorio Britanico de l'Ocián Indico

<sup>1</sup> Perteneix a Europa por razons culturals y historicas, pero cheograficament ye en Asia. <sup>2</sup> Territorios controlatos por Israel y gubernatos por l'Autoridat Palestina.

---

**Zaguera edición d'ista pachina o 10 may 2020 a las 04:37.**

O texto ye disponible baixo a [Licencia Creative Commons Atribución/Compartir-Igual](#); talment sigan d'aplicación clausulas adicionales. Mire-se [os terminos d'uso](#) ta conoixer más detalles.